

BOSNA I HERCEGOVINA
FEDERACIJA BOSNE I HERCEGOVINE
PREDSTAVNIČKI DOM PARLAMENTA FEDERACIJE BiH
n/r Predsjedavajućeg Edina Mušića


Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO:		15-02-2017		
Organizacija Inicijativa	Klasif. grupa	Broj i godina	Vrijednost	Priloga
01,01/c-	02-	384/17		

U skladu sa članovima 1., 11., 100., 150., i 206. Poslovnika o radu Predstavničkog doma Parlamenta Federacije BiH, podnosim

REZOLUCIJU PREDSTAVNIČKOG DOMA PARLAMENTA FBiH
O OSUDI INICIJATIVA ZA FEDERALIZACIJOM DRŽAVE I ENTITETA SA CILJEM
ETNO-NACIONALNIH PODJELA I SNAŽENJA SEPARATISTIČKIH TENDENCIJA

S poštovanjem,



Damir MAŠIĆ

poslanik SDP BiH u Parlamentu FBiH

15.02.2016. godine

PRIJEDLOG

**REZOLUCIJA PREDSTAVNIČKOG DOMA PARLAMENTA FBiH
O OSUDI INICIJATIVA ZA FEDERALIZACIJOM DRŽAVE I ENTITETA SA CILJEM
ETNO-NACIONALNIH PODJELA I SNAŽENJA SEPARATISTIČKIH TENDENCIJA**

Sarajevo, februar/veljača 2017. godine

Pozivajući se na Univerzalnu deklaraciju Ujedinjenih nacija o ljudskim pravima, Evropsku konvenciju o zaštiti ljudskih prava i sloboda sa Protokolima, članove I, V i X Opšteg okvirnog sporazuma za mir u Bosni i Hercegovini, te njegov Aneks 1B (sporazum o regionalnoj stabilizaciji) i Aneks 4 (Ustav Bosne i Hercegovine), Ustav Federacije Bosne i Hercegovine i Zakon o zabrani diskriminacije u Bosni i Hercegovini,

Uvažavajući presude Evropskog suda za ljudska prava u slučajevima Derve Sejdića i Jakoba Fincija protiv Bosne i Hercegovine (br. 27996/06 i 34836/06), Azre Zornić protiv Bosne i Hercegovine (br. 3681/06) i Ilijaza Pilava protiv Bosne i Hercegovine (br. 41939/07),

Poštujući principe i odredbe Međunarodnog pakta o ekonomskim, socijalnim i kulturnim pravima Ujedinjenih nacija i Međunarodnog pakta o građanskim i političkim pravima Ujedinjenih nacija,

Predstavnički dom Parlamenta Federacije Bosne i Hercegovine usvaja

REZOLUCIJU PREDSTAVNIČKOG DOMA PARLAMENTA FBiH O OSUDI INICIJATIVA ZA FEDERALIZACIJOM DRŽAVE I ENTITETA SA CILJEM ETNO-NACIONALNIH PODJELA I SNAŽENJA SEPARATISTIČKIH TENDENCIJA

Uzimajući u obzir u Preambuli navedene obvezujuće međunarodne i domaće akte, Predstavnički dom Parlamenta Federacije Bosne i Hercegovine osuđuje kontinuirane tendencije i političke inicijative, bez obzira dolazile one iznutra ili van Bosne i Hercegovine, koje za cilj imaju uspostavu sistema etno-teritorijalne supremacije koji dugoročno vodi do rušenja ustavnog poretka i disolucije države Bosne i Hercegovine.

Predstavnički dom Parlamenta Federacije Bosne i Hercegovine (u daljem tekstu: Predstavnički dom) poziva sve domaće i međunarodne institucije, a naročito vlade država potpisnica Opšteg okvirnog sporazuma za mir u Bosni i Hercegovini, te institucije Evropske unije i države članice Vijeća za implementaciju mira u BiH, da se suzdrže od poduzimanja svih oblika djelovanja koji pretpostavljaju kršenje Evropske konvencije o zaštiti ljudskih prava, Opšteg okvirnog sporazuma za mir u Bosni i Hercegovini, Ustava Bosne i Hercegovine i Federacije Bosne i Hercegovine, odredaba Međunarodnog pakta o ekonomskim, socijalnim i kulturnim pravima Ujedinjenih nacija, Međunarodnog pakta o građanskim i političkim pravima Ujedinjenih nacija, te nepoštivanje presuda Evropskog suda za ljudska prava.

Predstavnički dom poziva sve iznad pobrojane institucije da poduzmu sve nužne mjere u skladu sa svojim ovlaštenjima u cilju snaženja institucija države Bosne i Hercegovine na svim nivoima, zaštite individualnih i kolektivnih prava i sloboda građana Bosne i Hercegovine, promovisanja kohezije i saradnje među građanima različitih individualnih i kolektivnih pripadanja, što naročito podrazumijeva sljedeće: